

rare qvis dicat. *Doct. Grauerus de unicâ veritate p. 9. § 17.*

13. *O. motus animalis est ab animâ:*

*Claudicatio est motus animalis:*

*E. Claudicatio est ab animâ.*

*Resp. minor est falsa.* Claudicatio in quantum motus est, proficiscitur à Locomotivâ, sed non in quantum est inordinatio motus. Sicuti causa soni *citharædus* est, sed non *δυσφωνίας*, quæ forsan à chordâ plus justo intentâ provenit. *In horologiis*, minores rotæ aguntur, per primam & maiorem, sed si inordinate moveantur, proprio ipsarum vitio, non rotæ principi *ἀταξία* adsignatur. Simili ergo modo respondendum est ad hoc sophisma:

14. *O. actio est à Deo:*

*Peccatum est actio:*

*E. Peccatum est à Deo.*

Deus enim ad actionem hominis ipsam, sed non ad actionis deformitatem effectivè concurrit. *Sic enim administrat omnia, quæ creavit, Deus, ut ipsa etiam proprios agere & exercere motus sinat, inquit August.*